


# INKONZO YANGOLWESINE OLUKHULU EMINDENINI



## ISINGENISO

### Umholi:

ULwesine oluyiNgcwele ilo eliyisiqalo sezinsuku ezaziwa ngokuthi izinsuku ezintathu ezandulela iPhasika: izinsuku ezintathu ezihambisana nokuhlupheka, ukufa nokuvuka kukaJesu Kristo. Inkonzo yangolwesine oluyiNgcwele isimema ukuthi singene sijule emfihlakalweni kaKristo emisa iSakramente eliyiNgcwele cwe laseLatinu ngeSidlo sokugcina. Lapho etafuleni enabangane bakhe, uYazinikela kubo eyisimo sesinkwa newayini okuyisiqalelo salokho akwenza ukuZinikela enqoba amandla esono nobubi, evukela empilweni entsha, ekhulula isintu. Isifundo seVangeli esisetshenziswe namuhla eMiseni sithathwe kuJohannes sikhuluma ngoKristo egeza izinyawo zabafundi baKhe. Lesi isibonelo ekumele sisilandele – Umhlabiso oyiNgcwele wensiwe wabonakala ngobufakazi bokuzinikela Yena uqobo.

### ICULO LOKUVULA:

Masihlanguyele sonke eculweni lokuvula: .....

### UMKHULEKO WOKUVULA

#### Umholi:

Make siqale lomgubho singumndeni ngophawu lokholo lwethu:

**Ngegama likaYise beneNdodana noMoya oCwebileyo. Amen.**

**Masikhuleke:** Nkosi, njengoba sizilungiselela ukungena emfihlakalweni yalezizinsuku ezintathu eziyingcwele siyakunxusa ukuthi ukhanyisele izingqondo zethu nezinhliyo zethu ngethemba nesethembiso sokuhlupheka, ukufa nokuvuka kukaKristo. Sinike amehlo simbone ekuhleshulweni kwesinkwa nezinhliyo ezifinyelela kuYe lapho sikhonzana omunye nomunye. Sicela kuwe lokhu ngoKristo iNkosi yethu. Amen

### Make silalele iZwi likaNkulunkulu

### ISIFUNDO (*omunye emndenini ufunda iVangeli*)

#### Isifundo sithathwe eVangelini ngokuka Johannes 13:1-12

Kwathi ngaphambi komkhosi wePhasika uJesu azi ukuthi isikhathi sakhe sesifikile ukuba amuke kulelizwe, aye kuYise, ebathandile abakhe abasezweni wabathanda kwaze kwaba sekupheleni. Sekudliwa, usathane esekufakile enhliziyweni kaJuda Iskariote kaSimoni ukuba amkhaphele, uJesu ekwazi ukuthi uYise unikele konke ezandleni zakhe nokuthi wavela kuNkulunkulu, futhi ubuyela kuNkulunkulu, wasuka ekudleni, wabeka izingubo zakhe, wathabatha indwangu, wakhwica. Emva kwalokho wathela amanzi emcengezini, waqala ukugeza izinyawo zabafundi, wazesula ngendwangu abekhwice ngayo.

Wafika-ke kuSimon Petrus, wathi kuye:

"Nkosi, wena ugeza izinyawo zami na?"

UJesu waphendula wathi kuye,

"Lokhu engikwenzayo, awukwazi manje,

Kodwa uzokukuqonda emva kwalokhu."  
UPetrus wathi kuye:, "Awusoze wangigeza izinyawo zami naphakade."  
UJesu waphendula wathi:  
"Uma ngingakugezanga, awusoze waba nasabelo nami."



## Holy Thursday

USimon Petrus wathi kuye:  
"Nkosi, akungabi izinyawo zodwa, kepha nezandla nekhanda."  
UJesu wathi kuye,  
"Ogeziweyo kadingi lutho, kuphela ukugezwa izinyawo, kepha ugezekile  
wonke; ninake nigezekile, kodwa angisho nonke."  
Wayemazi ozokumkhaphela; kungalokho ethi, "Anigezekile nonke."  
Esegeze izinyawo zakhe wathabatha izingubo zaKhe, wabuya wahlala, wathi kubo:  
"Niyakwazi yini engikwenzile kini na?  
Ningibiza nithi 'Mfundisi' 'Nkosi,' nisho kahle, ngokuba ngiyikho.  
Uma-ke , Mina, engingumfundisi nenkosi ngigeze izinyawo zenu, nani-ke nifanele ukuezana  
izinyawo. Ngokuba ngininikile isibonelo ukuba nenze nani njengokuba ngenzile kini."

### Nalo-ke iZwi leNkos.

Kabongwe uNkulunkulu

**Wonke umndeni uhlala phansi uzindle ngeZwi likaJesu nesenzo sakhe esisibone eVangelini. Yiliphi iZwi elikuthintile? Mababelane ngeZwi . UJesu ufuna ukuthi wenzeni?**

**Omunye eMndenini makahole iLitani:**

### ILitani leSakramente eliyiNgcwele kakhulu laseLatini

Nkosi, sihawukele, Nkosi, sihawukele.  
Kristo, sihawukele, Kristo, sihawukele.  
Nkosi, sihawukele, Nkosi, sihawukele.  
Kristo, silalele, Kristo, silalele.  
Kristo, silalele ngomusa, Kristo, silalele ngomusa.  
Nkulunkulu Yise waseZulwini, sihawukele.  
Nkulunkulu Nodana Msindisi womhlaba, sihawukele.  
Nkulunkulu Moya oCwebileyo, sihawukele  
BuThathu obuCwebileyo, Wena onguNkulunkulu Munye, sihawukele.  
  
O Sinkwa esiphilayo, esehla sivela ezulwini, sihawukele.  
Msindisi noNkulunkulu osekusithekeni, sihawukele.  
Hlavu olukhethekile, sihawukele.  
Vina elahluma eVirigweni, sihawukele.  
Sinkwa esiphelele nesondlo samakhosi, sihawukele.  
Mhlabiso ongakhawukiyo, sihawukele.  
Sethulo esimsulwa, sihawukele.  
Mvana engenachashazi, sihawukele.  
Dili elimulsulwa, sihawukele.  
Kudla kwezingelosi, sihawukele.

Mana ecahisiwe, sihawukele.  
Sikhumbuziso sezimangaliso zikaNkulunkulu. Sihawukele.  
Sinkwa esiyisondlo esihle kakhulu, sihawukele.  
LiZwi elaba yiNyama, lahlala phakathi kwethu, sihawukele.  
Sisulu esiyiNgcwele, sihawukele.

O Ndebe yesiBusiso, sihawukele.  
O Mfihlakalo yokholo, sihawukele.  
O Wena ophakeme nohlonipheke kakhulu, sihawukele.  
O Mhlabiso oyiNgcwele kakhulu, sihawukele.  
O Mhlabiso oyiSihlawulelo seqiniso sabaphilayo nabafileyo, sihawukele.  
O sihlungu seZulu, okungaso sivikelekile esonweni, sihawukele.  
O Simangaliso esimangalisa ngaphezu kwazo zonke, sihawukel.  
O Kristo oKhumbuleka ngokuHlupheka, sihawukele.  
O Sipho esidle ngobuningi, sihawukele.  
O Sikhumbuziso esingavamile soThando oluyiNgcwele, sihawukele.  
O kuceba kwezibalo zaPhezulu, sihawukele.  
O Mfihlakalo eNgcwele nehlonipheka kakhulu, sihawukele.

Muthi wokungafiyo, sihawukele.  
Sakramente elimangalisayo elinikeza impilo, sihawukele.  
Mhlabiso ongangcoliswanga yigazi, sihawukele.  
Kudla nesiHambi, sihawukele.  
Dili eliminandi kakhulu elokondla izingelosi, sihawukele.  
Sibopho sothando, sihawukele.  
Mhlabiso womnikelo, sihawukelo.  
Mpophoma yokunambitheka okumnandi kompheyfumulo, sihawukele.  
Kuvuseleleka kwemiphefumulo yabangcwele, sihawukele.  
Mphako wendlela kwabafayo, sihawukele.  
Sethembiso sokukhazimula kodumo Iwangomuso, sihawukele.  
  
Yiba nesihawu, siyekele Nkosi.  
Yiba nesihawu, silalele ngomusa Nkosi.

Ekwamukeleni singafanele uMzimba neGazi laKho, sisindise Nkosi.  
Ekuhluphekeni kwenyama, sisindise Nkosi.  
Ekubukeni okungcolile, sisindise Nkosi.  
Ekuziqhenyen, sisindise Nkosi.  
Kuzozonke izenzo zesono, sisindise Nkosi.  
Ngalokho kufisa owafisa ngako ukudla iPhasika nabaFundi bakho, sisindise Nkosi.  
Ngokuzithoba owaba nakho ugeza izinyawo zabafundi bakho, sisindise Nkosi.  
Ngalolothando olumentshisekelo, okwathi ngalo wamisa iSakramente eliyiNgcwele cwe laseLatini, sisindise Nkosi.  
NgeGazi lakho eliligugu kakhulu, owasishiyela Iona eLatini, sisindise Nkosi  
Ngamanxeba amahlanu eMzimbeni wakho owanikelelw thina, sisindise.



Thina zoni, sizwe siyakuncenga  
ake ugcine kithina igrasiya nenhlese yokholo, inhloniph, nokudumisa, situsa iSakamente,  
sizwe siyakuncenga.

Siphe igrasiya lokusihola ukuthi sivume izono zethu ngeqiniso, sivame ukwamukela  
iSakamente eliyiNgcwele, sizwe siyakuncenga

Usikhulule ehlazweni, emangeni nasebumpumputheni benhliziyo, sizwe siyakuncenga  
Sengathi ngomusa wakho ungadlulisele kithina izithelo zezulu eziligugu zeSakamente  
eliyiNgcwele, sizwe siyakuncenga.

Sengathi ngoMpako weZulu ungasihola usiqinise ngesikhathi sokufa kwethu, sizwe  
siyakuncenga.

O Ndodana kaNkulunkulu, sizwe, siyakuncenga.

Mvana kaNkulunkulu, wena osusa izono zomhlaba, siyekele Nkosi.

Mvana kaNkulunkulu, Wena osusa izono zomhlaba, silalele ngomusa Nkosi.

Mvana kaNkulunkulu, Wena osusa izono zomhlaba, sihawukele Nkosi.

Kristo, silalele, Kristo, silalele.

Kristo, silalele ngomusa, Kristo, silalele ngomusa.

Nkosi, sihawukele, Nkosi, sihawukele.

Kristo, sihawukele, Kristo, sihawukele.

Nkosi, sihawukele, Nkosi, sihawukele.

V. Wabanika iSinkwa saseZulwini,

R. Esinobumnandi bonke.

**Masikhuleke:** O Nkulunkulu, Wena othe ngesimo seSakamente wasishiyela isikhumbuziso  
sokuHlupheka kwakho, siphe, siyakuncenga, ukuthi kuthi lapho sihlonipha izimfihlakalo  
eziyiNgcwele zoMzimba neGazi laKho sizwe ngaphakathi kithina izithelo zeNsindiso. Amen.

Kuculwa iculo elifanele: .....

## **Woza, O Jesu weSakamente**

Jesu weSakamente! Woza kithina ubenguMqondisi wethu! Konke esinakho nako konke  
esiyiko sikhethula kuwe, ngokuba konke esinakho ngokwaKho. Uma izinhliziyo zethu  
zimpofu, zigwalise ngegrasia laKho. Uma zingcolile zinodaka ngenxa yokuba sesonweni,  
zamukele zimsulwa zihlanzwe iNhliyiyo kaMaria eNgenasici.

Nhliziyo kaJesu ehluphekayo! Kuwe sethula konke ukulingwa kwemiphefumulo yethu.

Nhliziyo kaJesu eMnandi! Ekunakekeleni kwaKho sethula ubuthakathaka bethu futhi  
yamukele ukuphenduka kwethu okuliqiniso.

Nhliziyo kaJesu enozwelo! Kuwe sethu onembeza bethu abaphethwe yizinhlupheko.

Nhliziyo kaJesu enobubele! Kuwe sicelela iminden yethu uxolo nensindiso.

Nhliziyo kaJesu yeSakamente eliyiNgcwele! Umhlaba , okhathazeke okokufa, mawuthole  
ukukhusaleka eNhliziyweni yakho, lapho umkhonto owake wavula khona umthombo  
wokuPhila.

Woza, O Jesu! Yiba nguMfowethu othandweni olumsulwa lobuKristo!  
Woza , O Jesu! Yiba ngumngane wethu ekujuleni kosizi olukhungethe umhlaba.

### **Imikhuleko yabaPriste**

#### **1.**

O Jesu, Mpriste wethu oMkhulu, yizwa umkhuleko wami wokuzithoba ngikhulekela abapriste. Baphe uholo olujulile, ithemba eligqamile neliqinile, nothando oluvuthayo oluzolokhu lukhula njalo empilweni yabo yobupriste.

Kuwo umzwangedwa wabo, baduduze. Osizini Iwabo, baqinise. Ekuxakekeni kwabo babonise ukuthi kusekuhluphekeni lapho umphefumulo uhlanzwa ubemsulwa, bese ubakhombise ukuthi iBandla liyabadinga, imiphefumulo iyabadinga, bayadingeka emsebenzini wensindiso.

#### **Noma:**

#### **2.**

### **Umkhuleko wabaPriste kaTeresa waseLisieux**

O Jesu, Mpriste waphakade, ngaphansi kokukhuselwa kweNhliziyo yakho eyiNgcwele, lapho kungekho nokukodwa okuyothi kubathinte.

Gcina izandla zabo ezigcotshiwe zingenachashazi, zona ezithinta nsukuzonke uMzimba wakho oyiNgcwele.

Lezozindebe ezingathembekile , zigcobise nsukuzonke ngeGazi lakho eliliGugu kakhulu.

Gcina izinhliziyo zabo zingenathuli zimsulwa, bephawulwe ngophawu olumiyo lobupriste.

Uthando Iwakho oluyingcwele malubazungeze lubavikele ekungcolisweni umhlaba. Busisa umsebenzi wabo ngezithelo eziningi, imiphefumulo abayisebenzelayo maybe yintotkozo yabo, ibe yinduduzo lapha, bese ezulwini ibe ubuhle nomqhele waphakade. Amen.

**Iculo elifanele: .....**

**Amalunga woMndeni mawethule izinxuso;**



## IMIKHULEKO YAMAKHOLWA

1. Masikhulekele iBandla. Ukuthi bonke ababhabhadisiwe babe nokuqonda nokubumbana. Nkosi, silalele.
2. Masikhulekele umhlaba. Ukuthi abantu zonke izindawo bezwe isidingo sokuba nokuthula okubhalwe enhliziyweni yomuntu. Nkosi, silalele.
3. Masikhulekele labo abahlupheka buthule emiphakathini yethu empilweni yemihlangemihla, ikakhulu labo abahlupheka ngenxa yegciwane lekhorona. Sengathi bangathola kithina uthando lukaKristo oluza ngokugubha ngalezinsuku eziyingcwele. Nkosi, silalele.
4. Masikhulekele umphakathi wethu, amalunga weminden iethu nabangane. Sengathi bangezwa intokozo noxolo lukaKristo ovukile ngaleliPhasika. Nkosi, silalele
5. Masikhulekele labo esibakhonzayo – emiphakathini yethu bavikele egciwaneni – Sengathi bangathola abakuswelayo ukuthuthuka ekukholweni, baphikelele ukuhlala bengabantwana bakaNkulunkulu, babe nokuvikeleka ezingozini zonke. Nkosi, silalele
6. Sikhulekela izicelo ezisekujuleni kwezinhlizyo zethu esingaziphimisanga .... Nkosi, silalele

Make siquoqe yonke imikhuleko yethu, esiyizwakalisile nesingayizwakalisanga eseziinhiziweni yethu siyihlanganise ngezwi elilodwa, sisebenzisa amazwi uJesu asifundisa wona: **Baba wethu...**

## UMKHULEKO WOKUPHETHA NESIBUSISO

Nkosi, siyakubonga ngesipho esiyiNdodana Yakho. Sengathi ukungena kwethu ezimfihlakalweni zokuPhila, nokufa nokuvuka kwaYo, siphe isibindi sihlale singanyakazisa okholweni lwethu ekwethembekeni nothando IwaKho olungehluleki. Amen.

**Makasibusise uNkulunkulu uMninizimandla onke: UYise, beneNdodana noMoya oCwebileyo. Amen.**

**ICULO LOKUPHETHA:** .....

